



Saingonon Ekkesiwin non:  
September 4, 2020

## Kapasen Ourour non Ewin Kinikin me Oruwen Kinikinin Suuksefan — Ekkewe Nenien Tuken mei Licence, ekkewe Spa Pool mei License me Nenien Urumwot

**Pochokunen Nemenem:** Otutun Nampa. 20-27, ORS 433.441, ORS 433.443, ORS 431A.010

**Pwonuetan:** Ei kapasen ourour fan iten ir me ruw ekkewe nenien tukken me nenien urumwot mei tongeni pwe meinisin- me mei eukukchon re pwe aea me non ekkewe sopw ra nomw non Ewin Kinikin me Oruwen Kinikinin Suuksefan. Ekkewe nenien urumwot ir mei nomw fan nenenien mwuun me aramas repwe aea ren urumwot. Ekkewe urumwot ir mei kinefengen non rese mumuta ar repwe fis non ekkewe nenien urumwot me nenien tukken.

**Angangen Apachokuna:** Ngeni an epwe tufich ei ourour mei menei an epwe nomw fan nurun pwan ekkoch sokkun onnuk, mei apochokun usun mei affat non ewe Otutun 20-27, teten 26.

**Awewen foos:** Fan iten ei ourour, ekkei awewen foos repwe tongeni wewefich ngeni:

- “Urumwot ir mei-kinefengen non” wewen ekkewe sokkun urumwoten sport ir mei fori napanapan, non ar repwe kinefengen ekkewechon fiti ewe urumwot, me mei pachenong nge ese pwan kouk ren football, rugby, wrestling, cheerleading, basketball, hockey, pworuk, water polo, me an mwan lacrosse.
- “Kukunun- me eukukun-urumwot mei-kinefengen non” mei pachenong nge ese pwan kouk ren softball, iakiu, soccer, volleyball, an fefin lacrosse, flag football.
- “Urumwot ese wor-kinifengen non” mei pachenong nge ese pwan kouk ren tennis, swimming, golf, marasou, saa, sideline/chon emweir rese kinefengen me pworuk.

Mei wor ruw sokkun nenien tukken mei license me non Oregon: an meinisin repwe aea me mei eukukchon repwe aea.

- Ekkewe nenien tukken fan meinisin repwe tongeni aea napengeni ir mei watte awewe ren ekkewe nenien tukken ren ekkewe municipal ika community center.
- Ekkewe nenien tukken mei eukukchon repwe tongeni aea ir mei nomw fan omwokutuwen ekkoch pwan neni, awewe ren ekkewe nenien apartment, hotel/motel, private club, ekkoch association ika camp organization ian mei wor ian nenien tukken nge fan iten chokchon nonomw non ekkewe neni ika member non ekkewe neni.

## Angangan:

### Ekkewe chon omwokutu ekkewe nenien tukken me nenien urumwot mei menei pwe repwe:

- Nengenisefani me Anganga [An Oregon Unusen Eureur ren Nenien Angang fan iten COVID-19](#).
- Ennuku seni chon angang ion mei wor ren ekkewe esisinen COVID-19 (pwichikar, mor, weires ngasangas, etc.) ar resapw eto angang ika tonong non ewe neni.
- Ennuku ngeni ion chon chuuto ngeni ewe neni mei wor ren ekkewe esisinen ewe samwaa COVID-19 ar resapw tonong non ewe neni. Ika emon chon chuto non ewe nenien tukken mei wor ren ekkewe esisinen ewe samwaa COVID-19, emon chon angang epwe tingorei an epwe tou seni ewe nenien tukken, epwe pwan ngeni an pwonupwonun maas, iwe pwan anisi an esapw kinengeni pwan ekkewe chon angang me pwan ekkoch chon chuto me mwen epwe tou seni ewe neni. Muttir enimenima ekkewe neeni ewe mi semwen mi aea.
- Pacheta sain epwe fattetenin ekkewe esisinen COVID-19, tingor ngeni ekkewe chon angang me ekkewe chon chuto ir mei wor rer ekkewe esisinen ewe samwaa pwe repwe nomwonong non imw me aiti ngenir io repwe kori ren an epwe anisir. Chon omwokutu ekkewe neni repwe pacheta sain ian epwe pwaeoch me ian ren met epwe anisi an epwe kouno cheunon ewe monun COVID-19 (mei pachenong aea fengen pisek ren ekkewe goggles, me pwan ekkoch pisek mei weires ar repwe nimenimeno).
- Mei namwot pwe chon angang repwe aponuweta mokutun nimeoch an esapw chouno ewe COVID-19 pachenong angangen tonuw paaw fansoun meinisin me aponu ar mwen me mwor.
- Nengenieochu ekkewe pisekin non ewe neni mei chiwen eochun aea, anongonong won met sokkun angangen tumwun me aean mei nomw non pwuken awewen angangen ewe pisek me pwan met masowen ewe standard operating procedure.
- Fiti ngeni masowen [OAR 333, Kinikin 60](#), ren omwokutun nenien tukken.
- Esipa ekkewe nenien uun konik, chinoon chok ekkewe nenien anene peen konik nge ewe peen konik esapw pacheri ewe nenien anene. Nenien konik esapw pacheri ewe nenien un seni konik.
- [Pacheta sain](#) epwe pwarata pwe mei auchea repwe atowawa nefiner me emon non unusen ewe neni, mei pachenong nge esapw chok ikkei ren ekkewe nenien nonomw, nenien mongo me neni unukun ekkewe imwen ngaseno.
- Annuku ngeni ekkewe chon angang (pachenong ekkewe lifeguard<sup>1</sup>) pwe repwe aea [pwonupwonun aaw me pwot, pwonupwonun maas ika eppetin maas nupwen RESE](#) nomw non konik.

---

<sup>1</sup> Ewe [Oregon Administrative Rules](#) ewe a fori onnukun ekkewe nenien tukken non Oregon ren met mei pwan sokkono mei mumuta fan iten ew me ew sokkun nenien tukken. Awewe ren, ekkewe nenien tukken mei kouk chon repwe aea ese pwan menei pwe epwe wor lifeguard. Ika

- Ekkewe spa pool, repwe euku chon aea ngeni an epwe chok chochon non ew imw non ew fansoun. Ekkewe chon omokutu ekkei neni repwe fori schedule an epwe wor 15-minich nefinen ew me ew mwich ar wes ne aea.
- Nimeti me aea nimenimen paikin won pisek aramas mei kan aea fengen non ekkewe nenien urumwot. Ei mi pachenong, nge esapw chok ikkei, pisek ren patta, pwor me racket. Aea nimenimen nieno paikin mei pachenong non noun Environmental Protection Agency (EPA) taropwen mei punguno fan iten SARS-CoV-2 virus ewe mei forata COVID-19.
- Ese mumuta urumwot aramas repwe kinefengen fansoun mokutukut.

## Towaw fesen me Chochoon:

### Ekkewe chon omwokutu ekkewe nenien tukken me nenien urumwot mei menei pwe repwe:

- Opwonueta ewe ukukun onuw (6) fit towawen nefinen aramas.
- Affataechu ngeni chon chuto pwe iokewe chon ew mwich ir mei tongeni chufengen ne ani ew mwokutukut, uta fengen non nain, iwe ese pwan menei ar repwe towawfesen non ukukun onuw (6) fit.
- Awora emon epwe tumunu ponuwetan towaw fesen ngeni meinisin, ren pen ekkewe asamen tonong, tou, imwen ngaseno me neni ian chomong aramas repwe mochu fengen ie.
- Anomu non kokot an epwe kouk chon eto ngeni ekkewe nenien tukken me /ika nenien urumwot pwe epwe tufich ar repwe tongeni fori ewe koukun onuw (6) fit towawen nefinen aramas. Chon omwokutu ewe nenien tukken repwe ekieki ika epwe wor angangen kokonong ren reservation ren an epwe kouk ukukun aramas repwe nomw non ewe nenien tukken.
- Fori tetenin chon repwe nomw orun ewe nenien tukken ren chon eto me chon angang an epwe tongeni wor onuw (6) fit towawen nefiner.
- Ika pwe repwe aea ewe nenien tukken ren ar repwe fori lap, fori kokotun pwe ekkewe chon repwe tukken repwe tonong me tou non ewe nenien tukken epek pwan epek pun epwe tongeni ar repwe awora (6) fit nefiner me emon. Onnuku an esapw wor aramas repwe iechufengen non ewe neni, pachenong nesopwun ekkewe lane.
- Fori pwe non ekkewe nenien utuwit an ekkewe chon tukken epwe wor ukukun onuw (6) fit towawen nefiner.

## Nimenim me Angangen Nieno Paikin:

### Ekkewe chon omwokutu ekkewe nenien tukken me nenien urumwot mei menei pwe repwe:

---

pwe omw we neni ese pwan menei pwe epwe wor lifeguard, en mei tongeni kopwe oturau ena kinikinin me non ewe ourour.

- Nimetifichi non unusen ewe neni me mwen suuksefan mwirin ewe fansoun kesipeno non fansoun nakatam. Akkaewin fan iten, ekkewe nenien tukken:
  - Tumwunuw ne eppet i ewe monun Legionella: Ika pwe ewe neni mi kesipeno non fansoun nakatam:
    - ♦ Okusano konikin unusen omw we neni, ir me ruw konik mei pwichikar me mei paat. Pwopun an epwe kokusuno ewe konik pun epwe tongeni ekkesiwiniwong ewe konik mei nomw non ekkewe paip ngeni konik mei minafo.
    - ♦ Okusano tori an ewe konik mei pwichikar epwe tori muchun ukukun pwichikaran.
    - ♦ Epwe wor tumwunewochun ewe angang an epwe eukuk parasen konik me aerosol nupwen fansoun epwe kokusuno ewe konik.
    - ♦ Ekkoch pwan pisek ir mei pwan aea konik, aweve ren ekkewe mwesinen ice, ina repwe menei an epwe wor sopwosopwun angangen enimenim chienen ewe kokusuno konik, aweve ren an epwe koturuno ekkewe ice ra minenom. Fiti ngeni met ourour seni mei katou seni ekkewe kompenien fori ekkewe pisek mei aea konik.
- Aea nimenimen nieno paikin mei punguno meren [Environmental Protection Agency \(EPA\)](#) fan iten coronavirus SARS-CoV-2 virus ewe mei forata COVID-19. Ese mo wor pisekin nimenim mei mak COVID-19, nge mei wor pisekin nimenim mei afat ika porousan epwe nom won ar website ren usun aean me ochun aean nieno ewe coronavirus mei fetan seni aramas.
- Enimenima iteitan me nimeti monun paikin non ekkewe neni mei chomong aramas re soun nomw ian, me pwan neni ian aramas mei soun attapeta won ren chon angang me chon eto ngeni ewe neni, pachenong counter, chepen, nenien paaw won ekkewe sean non lounge, komwochun asam, nenien un konik, nenien tutu, toys minen non konik me pwan ekkoch neni ian aramas mei soun attapa ian.
- Nimeti ekkewe imwen ngaseno iteitan me tumwunuw an epwe chok wor pisekin non ren sopw, paper towel me hand sanitizer ren ar repwe aea.
- Fori pwe epwe chok wor hand sanitizer non unusen ewe neni fan iten chon angang me chon eto.
- Fori pwe ekkewe chon angangen tumwunuw me nimeti ika chon ewe kompeni repwe wisen tumwunuw me nimeti ewe nenien tukken repwe cheki fetanin konik me non ewe nenien tuken ika pwe mei fetanoch me ewe koukun an epwe nieno menun paikin mei fiti ngeni koukun me mwen an epwe suk ewe nenien tuken.
- Ennuku seni ekkewe lifeguard are repwe enimenim me fori angangen nieno paikin nupwen ir mei nomw non kinikinin fori ar angang.

## Rumwen Locker:

**Ekkewe chon omwokutu ekkewe nenien tukken me nenien urumwot ir mei tongeni fini ar repwe:**

Mwuti ngeni ekkewe chon tukken me chon aea ewe nenien urumwot ar repwe aea ekkewe rumwen locker me mwen me murin ar aea ewe neni.

**Ika pwe ewe rumwen locker mei mumuta ar epwe aea, ekkewe chon omwokutu ewe nenien tukken me nenien urumwot mei menei pwe repwe:**

- Fori me apochokuna kokotun euku ukkukun chon repwe aea ekkewe nenien tutu me nenien siwini pisekir non ew fansoun.
- Fori me apochokuna kokotun an epwe wor ukukun onuw (6) fit towawen nefinen aramas.
- Tumwunu pwe ekkewe rumwen locker esapw nuseni ukukun choochoon aramas repwe nomw non. Aea ewe kapachanapen square fit ren ewe rumwen locker an epwe fat fite ukukun choochoon aramas non ewe rumwen locker anongonong won ewe koukun 35 square fit emon aramas.
- Awora emon epwe wisen tumwunuw ponuwetan towaw fesen ngeni meinisin ren ewe koukun towawen nefinen aramas, pachenong pen ekkewe asamen tonong, tou, imwen ngaseno me neni ian chomong aramas repwe mochu fengen ie.

**Pwan Ekkoch Nongonong:**

- [Ekewe sain ka tongeni pacheta](#)
- [An OHA Kapasen Ourour Ngeni ekkewe Nenien Angang](#)
- [Kapasen Ourour fan iten Pwonupwonun Aaw me Pwot, Eppetin Maas, Pwonupwonun Maas non unusen ei State](#)

**Toureochun taropwe:** Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, aweve ren fosun ekis, epwe mesemong ekkewe mak, ika non nikinikin noun mei chuun. Kokori Mavel Morales won nampa 1-844-882-7889, 711 TTY ika mak ngeni won [OHA.ADAModifications@dhsosha.state.or.us](mailto:OHA.ADAModifications@dhsosha.state.or.us).